

中吳  
紀聞  
刃本

中吳  
紀聞  
刃本

新刊中吳紀間序



吳自秦伯鞏基開國歷代之名互有因革  
至後唐立為中吳而中吳之稱始有間焉  
吳之屬邑曰崑山崑山古婁縣也締多文  
獻予適知縣事訪於故家遺文隊典往  
有得此紀間名中吳則其一也紀間凡二  
百二十五則為宋宣教郎龔明之撰其子  
昱敘而成書邑人盧公武記其先大夫得

於外家王氏闢其二十五則嘗校正增補  
而未完又惜士君子之著述難於必傳予  
所得錄本考公武所記在元至正二十五  
年上泝明之淳熙元年所序凡歷二百二  
十餘年元運訖於至正三十二年及於  
皇明通計三百六十餘年未有刻而傳者乃  
重加校勘命邑義民嚴春刻而傳之所以  
成公武之志也刻既成春復請序刊刻之

意竊惟成周太史小史內史外史之職廢  
而掌記時事者不專於一而諸子百家方  
言野錄稗官小說出焉若漢隋唐以來諸  
史書志經籍傳文藝者具載名目今有傳  
有不傳者即傳而可見若紀聞之類觀之  
於國史之闕遺訛謬於是乎補正政治之  
得失淳漓於是乎徵驗郡邑之廢置沿革  
於是乎考證至於古今名迹士夫出處賢


才經濟閨房貞秀又皆於是乎總萃譬猶  
藥籠之收衆物寶藏之聚羣玉皆可以資  
世適用豈徒備圖經地志之不及紀中吳  
之所聞而已哉雖傳之天下可也此予所  
以成公武之志必欲刊而傳之也其間雜  
以異端不經詆諧嘲謔者明之自謂効范  
忠文東齋紀事蘇文忠志林之體覽者當  
慎而擇之且所著尚有樂菴語錄崑山雜  
笑

詠春知重文事所為多義舉即是可以見  
矣

弘治七年春三月之吉

賜進士出身知崑山縣事慈溪楊子器序

中吳紀聞目錄



崑山

龔明之

希



第一卷

范文正公

許洞

丁陳范謝

辟疆園

闔百草

陳君子

梅聖俞與僧良玉詩

半夜鐘

白樂天

六經閣記

唐郎官題名

丁晉公

解額

紅蓮稻

陸宣公

太乙宮

孫百篇

紅梅閣

蘇子美

先高祖

靖霖水利

黃氏三夢

崑山編

皋橋詩

謝賓客

張子野吳江詩

春申君

蔣密學

丁晉公拜先生

李璋

木蘭堂詩

林大卿買宅

富祕監

智積菩薩

楊惠之塑天王像

三江口

王運使減租

聞鴨

第二卷

姚氏三瑞堂

丁氏賢惠錄

張文定公知崑山

傳燈錄

曾大父

婁侯

滕章敏公

滄浪亭

范文正公復姓

鄭宣徽

五柳堂

林氏儒學之盛

中隱堂三老

國一禪師

葉少卿

二游詩

安定先生

蘇子美飲酒

張伯玉郎中

上方詩

陳龍圖使高麗

樂圃先生

海涌山

盧通議

閻門樓詩

隨緣居士

章守子用皂蓋

石點頭

執革卦影

夢石天王像

改正洪範篇

范文正四子

林酒仙

章岷

鮑魚

徐都官九老會

第三卷

葉道卿

觀風樓

三高亭

程光祿

晉公飯僧疏

蔡君謨題壁

鄭正夫

陳君子父殿丞鬱林石

謝希深

范文正還鄉

清遠道士詩

幽獨君詩

本禪師

吳王拜郊臺

范貫之

南翔寺

張敏州

崑山夫子廟

孫子和

張翰

皮日休

橋名

賀方回

白公檜

癸甲先生

方子通

破山寺詩

甫里

有脚書厨

秦娘

南園詩

朱子奢

錢氏納土

白馬欄

禪月大師

第四卷

太公避地處

范忠宣公

滕章敏公結客

思賢堂

顧學正

鄭希尹

執爨詩

王元之畫像

雙蓮堂

慧感夫人

孫若虛滑稽

元少保

仲殊

如村

鄭毅夫吳江橋詩

張幾道挽詩

夜航船

范文正不取燒煉方

俗語

方子通詩誤入荆公集

盧發運

大雲翁

花客詩

中吳

祖姑教子登科范祕丞

徐朝議

顏夫子

信義縣

李無悔

蟬

大本錢王後身

郭正夫失鶴詩黃姑織女

孫積中



王王簿

著作王先生

毛校云舊本皆無此一則疑是後人所增

第五卷

唯室先生

古來百題詩

范秘書

張子韶與周煥卿簡

蝦子和尚

郭家朱砂圓

陳了翁鱸鄉亭詩

起隱子

間丘大夫

寶嚴院

洞庭山

方子通紅梅詩范無外

綽堆

陸彥猷

翠微集

生老病死

邦子高

鄭應求

獄山

王學正

范文正為閻羅王

吳縣寇主簿詩盤溝大聖

魏令則侍郎

圖經刊誤

草腰帶聽聲

壓雲軒詩

翟忠惠

白雲泉

謂三命

范文正祠

耀菴

蠡口

蛇化為劍

賈表之

易承天為能仁寺

章戶部

王教授祭學生文

沈元叙滄浪亭詩

第六卷

西樓詩

郭仲達

凌佛子

崑山學記

王唐公

顧景繁

慈受禪師

蔣侍郎不肯立坊名

孫郎中

潘悅之侍郎 南北章

余良弼占卦影王彥光

狀元識

四幡之助

樂菴

吳江詞

石湖

丁令威宅

周朝宗

蘇之繁雄冠於浙右

朱光祿

翟超

正訛

升父記館中語

徐聖望

羊充實

蘇民三百年不識兵

之彛老

紀異

朱氏盛衰

徐稚山

無菴

結帶巾

周妓下火文

諧謔

思韓記

徐氏安人詩

吳中水利書

中吳紀聞目錄終

中吳紀聞卷第一

崑山

麒麟明之

范文正公

天聖五年范文正公居母喪上書宰執請擇郡守舉縣

令斥游惰去冗僭遴選舉崇教育養將材實邊備保直

臣斥佞人使朝廷無過生靈無怨以杜奸雄凡萬餘言

時王文正公會為相見而偉之服滿薦充館職由此為

人主所知不次擢用慶曆三年九月拜叅知政事上開

天章閣訪以治道公條陳當世急務十條一曰明陟黜

二曰抑僥倖三曰精貢舉四曰擇官長五曰均公田六

曰厚農桑七曰脩武備八曰覃恩信九曰重命令十曰

減徭役上嘉納之一歲之間次第舉行無或遺者公初  
上宰相書即受知於王文正後陳十事即見聽於仁宗  
雖曰抱負奇偉不容不見於施設自非聖君賢相委曲  
信任之亦安能行其所學邪

許洞

許洞太子洗馬仲容之子

洗馬墳在城西

登咸平三年進士第

平生以文章自負所著詩篇甚多當世皆知其名歐陽  
文忠公嘗稱其為俊逸之士所居惟植一竹以表特立  
之操吳人至今稱之曰許洞門前一竿竹真廟祠陰  
持洞為均州叅軍在路獻文章令召試中書舒澗之族曾  
孫見其家藏洞

洞與潘閻錢易為友狂放不羈閻坐廬多遜黨亡命  
乃變姓名僧服入中條山洞密贈之詩曰潘逍遙平  
生才氣如天高倚天大笑無所懼天公嗔汝口呶々  
蜀教臨老頭補衲歸中條我願中條山神鎮長在駟  
雷叱電趕出這老怪

丁陳范謝

錢武肅王鏐之子廣陵王元璩廣陵王之子威顯王文  
奉皆為中吳軍節度使開府於蘇時有丁陳范謝四人  
者同在賓幕丁諱守節陳諱贊明范諱夢齡謝諱崇禮  
職中吳軍節度推官俱長者稱守節者丞相謂之祖  
贊明者屯田之奇字虞卿之曾祖夢齡者參政仲淹之

曾祖崇禮者太子賓客濤之父其子孫又皆登高科  
膺任足見慶源深厚矣

### 辟疆園

吳中舊傳池館林木之勝惟辟疆園為第一辟疆姓顧氏昔人見於題咏者甚衆李太白云柳深陶令宅竹暗辟疆園陸羽云辟疆舊林園恠石紛相向陸龜蒙云吳之辟疆園在昔勝槩敵皮日休云更葺園中景應為顧辟疆近世如張伯玉亦云于公門館辟疆園放蕩襟懷水石間今莫知其遺跡所在

### 闢百草

吳王與西施嘗作闢百草之戲故劉禹錫詩云若共吳

王闢百草不如應是欠西施

### 陳君子

陳之竒字虞卿鄉人以其有賢德故以君子稱之初登第為鄱陽尉後為丹徒秦興令李瑋尚秦國大長公主下國子監舉通經術有行義者為教授遂以公充選未幾乞致仕遷太子中允時年未五十俄除平江軍節度掌書記復以為教授詔裝錢促遣之力辭不赴公道德著於鄉雖閭巷小兒亦知愛敬有爭訟久不決者跨蹇驢至其家以大義感動之皆為之革心自掛冠後閒居十八年熙寧初卒葬花山王岐公為作志題之曰陳君子墓銘始公之謝事也蔣堂侍郎語人曰舉天下皆知

有富貴而虞卿獨以知止易衆人之心吾喜林下有人  
矣因為賦詩曰寵秩拜春坊歸休識慮長掃門卑魏勃  
設醴謝元王一水尊鱸國群山橘抽鄉喜君添老社烟  
駕鶴徜徉張伯玉郎中六贈之詩曰東吳王孫歸掛冠  
玉絲紅鱸滿雕盤狂吟但覺日月久醉舞不知天地寬  
小圃移花山客瘦夜窗搗藥橘童寒新書近日成多少  
且告先生旋借看

梅聖俞與僧良玉詩

崑山慧聚寺僧良玉字蘊之僧行甚高旁通文史之學又  
善書工琴棋因游京師梅聖俞見而喜之以姓名聞于  
朝賜以紫衣其東歸也聖俞以詩送之曰來衣茶褐袍  
歸變搢色服扁舟洞庭去落日淞江宿水煙晦琴徽山  
月上岩屋野童遙相迎風葉鳴橡櫺後潛遁故山專以  
講經為務蹄所居曰雨花堂

半夜鐘

唐張繼宿楓橋詩云月落烏啼霜滿天江村漁火對愁  
眠姑蘇城外寒山寺夜半鐘聲到客舫昔人謂鐘聲無  
半夜者詩話嘗辨之云姑蘇寺鐘多鳴於半夜予以其  
說為未盡姑蘇鐘唯承天寺至夜半則鳴其它皆五更  
鐘也

此張繼詩王氏學林  
新編誤以為溫廷筠詩

白樂天

白樂天為郡時嘗攜容滿蟬態等十妓夜遊西武丘寺

嘗賦紀遊詩其末云領郡時將久游山數幾何一年十  
二度非少亦非多可見當時郡政多暇而吏議甚寬使  
在今日必以罪去矣

### 六經閣記

姑蘇自景祐中范文正公典藩方請建學其後富郎中  
嚴維之又建六經閣張伯玉公達嘗為郡從事遂命為  
之記今但傳其篇首數句聞見錄又誤載其始末予家  
偶藏公達所著蓬萊集恐後人不復見全文也因具載  
之六經閣子史在焉不書尊經也吳郡州學始由高平  
范公經見之其後天章蔣公待制中書柳舍人史館昭  
文張陸二學士行郡事殿中丞李仲塗先生之猶子中

見文鑑  
作緝

臺柳兵曹今尚書富郎中十年更八政仁賢繼志學始

大成

六經閣又建先時書籍草創未暇完聳厨

之後廡澤地汙晦日滋散脫觀者惻然非古人藏象魏

拜六經之意至是富公始與吳邑長洲二大夫以學本

之餘錢僦之市材直公堂之南臨泮池建層屋越夏六

月乙酉止秋八月甲申凡旬有七浹計庸千有二百作

楹十有六棟三架雷八桷三百八十有四二戶六牖梯

衝築枕圩墁陶甃稱是祈於久故爽而不痺酌於道故

文而不華經南嚮史西嚮子集東嚮標之以油素揭之

以油黃澤然區處如蛟龍之鱗麗如日月之在紀不可

得而亂大抵天地之極致皇王之高道生人之紀律盡

大成下文  
鑑有震  
年三書而  
成經而  
之誤從  
慶曆八  
年丙戌上  
湖景祐四  
年丁丑為  
十年也

在是矣古者聖賢之設教也知函夏之至廣生齒之至衆不可以頤解耳授故教之有方導之有源乃本庠序之風師儒之說始於邦達於鄉至於室莫不有學煇之以文物聳之以聲昭先用警策其耳目然後清發其靈腑故其習之也易其得之也深其政不肅而成不煩而治政元之入善域優而柔之使自得之萬世之後尊三王四代法者無他焉教化之本末馴善也然則觀是閣者知六經之在則知有聖人之道知有聖人之道則知有朝廷之化知有朝廷之化則嚮方之心日懋一日禮義之澤流于外絃歌之聲格于內其為惡也無所從其為善也有所歸雖不欲徙善遠罪納諸大和不可名

漸善文鑑

唐郎官題名

康公之詩曰豈第君子來游來歌子思之說云布在方策人存則政舉凡百君子由斯道治斯民暢皇極序彝倫者捨此而安適得無盡心焉諸儒謂伯玉嘗從事此州游學茲久宜刊樂石庶幾永無忽

唐郎官題名碑承平時在學舍中堂之後已漸剝缺兵火後不復存矣序文乃張長史楷書長史以草聖得名未嘗作楷字世尤愛之題名之人雖不一志盡得古筆法唐世崇尚字學用此以取人凡書皆可觀今所傳止序文爾長史蘇人故立碑於此

丁晉公

祖守節吳越中  
吳軍節度使官

公諱謂字謂之家世於冀其祖任錢氏遂為吳人公少  
負才名先升祖端公在鼎州日公嘗贄文求見因贈之  
詩曰膽怯何由戴鐵冠祇緣昭代獎孤寒曲肱未遂違  
前志直指無聞是曠官三署每傳朝客說五溪閑凭郡  
樓看祝君早得文場雋况值天階正舞干淳化三年公  
登進士科名在第四與孫何俱有聲當時王黃州有詩  
云三百年来文不振直從韓柳到孫丁如今便合教脩  
史二子文章似六經祥符中為叅知政事上問唐酒債  
幾何公曰每斗三百按杜甫詩速宜相就飲一斗恰有  
三百青銅錢又侍宴賞花釣魚公詩云鸞鷲鳳輦穿花  
去魚畏龍顏上釣遲上賞詠冉三群臣皆以為不及天

禧中拜相仁宗即位進司徒兼侍中後為章聖山陵使  
擅移陵域貶將仕郎崖州司戶參軍公自遷謫日賦一  
詩號知命集後因奏表敘策立之功有云雖遷陵之罪  
大念立主之功多因徙雷州移道州復秘書監光州居  
住貶竄十五年鬚髮無斑白者人皆服其量臨終半月  
不食焚香危坐誦佛書以沈香煎湯時呬而已至光州  
謝執政啓有云三十年門館從游不無事契一萬里風  
波往復盡出生成在海上對客問天下州郡孰大客曰  
唯京師公曰朝廷宰相只作崖州司戶則崖州為大衆  
皆大笑歸葬華山所居在大郎橋號晉公坊堂宇甚古  
有層閣數間臨其後予嘗至其第與公之孫德隅游德



隅善篆六工於四六

解額

姑蘇自祥符間定制秋舉以四人為額慶曆中就舉者止二百人范貫之龍圖嘗作送錢正郊赴舉序已言四人之額視他藩為最寡熙寧元豐間應舉者漸多增為六人三舍既行罷去科舉法歲貢四人舍法罷乃合三年之數為十二人紹興丙子又增流寓一名今終場者幾二千人其額又不勝其窄矣

紅蓮稻

紅蓮稻從古有之陸魯望別墅懷蠶詩云遙為晚花吟白菊近炊香稻識紅蓮至今以此為佳種

陸宣公

唐書云陸執其蘇州嘉興人按武德中蘇州所管七縣而嘉興本號長水縣改為由拳又改為嘉禾吳赤烏中方易今名也

太一宮

太平興國六年方士言五福太一在吳越分太一天之貴神也行度所至之國民受其福故今蘇州建太一宮後以地遠不便於禱祀遂於京城蘇村建之今天慶觀乃其舊址鄉人尚有以宮巷宮前稱者

孫百篇

吳士孫發嘗舉百篇科故皮日休贈以詩云百篇官體

此尚字對罷科舉法言之物本

喧金屋一日官嗚下玉除陸龜蒙亦有云直應天授與  
詩情百咏唯消一日成其見推於當時如此：科不知  
創於何代國初亦無定制惟求應者即命試太平興國  
五年有趙昌國願試此科帝御殿出四句詩為題詩云  
松風雪月天花竹鶴雲烟詩酒春池雨山僧道柳泉每  
題五篇：四韻至晚僅成數十首方欲激勸後學特賜  
及第仍詔今後應此科者約此題為式

蘇子美

蘇舜欽字子美易簡叅政之孫慷慨有大志工為古文  
聲名與歐陽公相上下天聖七年王清昭應宮災子美  
以太廟齋郎詣登聞鼓疏謂天以此垂戒願陛下恭默

自省語甚切直時年方二十登景祐元年進士第俄有  
詔戒越職言事者子美又上書極論其不可慶曆四年  
擢大理評事集賢校理監進奏院當時用事者以子美  
乃范文正所薦而杜正獻之壻也因鬻故紙會客事誣  
奏之遂除名勒停嘉祐初韓魏公為請於朝追復元官  
卒年四十一山谷先生嘗有觀秘閣蘇子美題壁詩曲  
盡其平生大節真蹟藏汪玉山家今集中不載故見之  
於此仁祖康四海本朝盛文章蘇郎如席豹孤嘯翰墨  
場風流映海岱俊鋒不可當學書窺法窟當代見崔張  
銀鈎刻琬琰蠶尾迴黼紉擢登群玉府高閣自生光春  
風吹曉雨禁直夢滄浪人聲市朝遠簾影花竹涼秋荷

渝筆硯怨句挾風霜不甘老天祿誠欲升未央小臣膽  
如斗朱儒捧一囊請題師十萬奉辭問犬羊歸鞍飲月  
支伏背笞中行人事喜乖忤南遷得夜航此時調玉燭  
日行中道黃柄臣似牛李傾奪謀未成薄酒癩邯鄲老  
龜禍枯桑兼官百郡邸報賽用歲常招延青雲士共醉  
拊楮觴俗客避白眼傲歌舞紅裳謗書動宸極牢戶繫  
桁楊一網収冠蓋九衢人走藏庖丁提刀立滿意無四  
旁論罪等饕餮餐囚衣禦方良姑蘇麋鹿曠風月有書堂  
永無渝拔期山鬼共幽篁萬戶封侯骨今成狐兔岡迹  
來四十年我亦校書郎雄文終膾炙妙墨見垣墻高山  
仰豪氣崢嶸乃不三張侯開詩卷詞章尚軒昂草書十

餘紙雨漏古屋廊誠知千里馬不服萬乘箱遂令駕鼓  
車此豈用其長事往飛鳥過九原色莽蒼敢告大鈞手  
才難幸扶將子泌字進之任湖北運使朱殿院之子宿

宿乃耆之弟於  
子美為其父

### 紅梅閣

吳感字應之以文章知名天聖二年省試為第一又中  
天聖九年書判拔萃科仕至殿中丞居小市橋有侍姬  
曰紅梅因以名其閣嘗作折紅梅詞曰喜輕澌初泮微  
和漸入芳郊時節春消息夜來陡覺紅梅數枝爭發玉  
溪仙館不是箇尋常標格化工別與一種風情似勻點  
胭脂染成香雪重吟細閱比繁杏天桃品流真別只愁

共彩雲易散冷落謝池風月憑誰向說三弄處龍吟休  
咽大家留取倚闌干聞有花堪折勸君須折其詞傳播  
人口春日群宴必使倡人歌之吳死其閣為林少卿所  
得兵火前尚存子純字晦亦文行也高鄉人呼為吳先  
生楊元素本集誤以為蔣堂侍郎有  
小鬚跡紅梅其殿丞作此詞贈之

### 先高祖

先高祖諱識給事中諱慎儀之子登端拱元年第大中  
祥符間用翰林學士李宗諤薦權監察御史屬真宗東  
封護蹕還都遷殿中侍御史兼左巡使時年四十有三  
本朝承嚴唐制御史不專言職至是始擇學術醇正操  
履端方可以紀綱朝廷者俾入臺言事得之至難故被

選者實為不世之榮先高祖任職踰年遽抱目疾累表  
乞退遂除檢校司封郎官平江軍節度副使

先高祖登第時金花貼子尚存其制用塗金黃紙大  
書姓名下有兩知舉花押仍用白紙作一大貼貯之  
亦題姓名於上近吳南英於周叅政處模寫王扶盛  
京二貼子名士題跋甚衆皆以為今世所罕見者予  
因歸而視其所藏適與王扶同此一榜規模無毫髮  
不相似但多白紙為護爾今所謂榜貼者蓋起於此

### 趙霖水利

政和六年莊徽待制為郡守中使以金字牌奉御筆云  
訪聞平江府三十六浦內自古置閘隨潮啓閉泄放水

勢歲久堙塞遂致積年為患今差本府戶曹趙霖躬親具逐浦相度經久利害繪圖赴尚書省指說既被旨回徧歷諸縣遂得其利害霖意不過三說一開治港浦二置閘啟閉三築圩墾田遂條析其事合成一書奏之後畧施行霖所建明與邦正夫差異霖專主置閘之說正夫則屬意於開縱浦橫塘使水趨於江而已竊謂二公之論與今日又不同往時所在多積水故所治之法如此今所以有水旱之患者其弊在於圍田由此水不得停蓄旱不得流注民間遂有無窮之害捨此不治而欲興水利難矣

黃氏三夢

建寧黃氏乃名族也因游宦遂徙居于吳黃氏有三子皆勤於學問其父忽夢捷夫持榜貼報黃顏者遂以名其長子已而果第父之其夢如初乃拆偏旁名仲子以彥、復掇高科後數年其夢亦如初黃甚怪之又以顏名其季顏既第顏即死矣

崑山編

唐人劉綺莊為崑山尉研窮今古細帙所積甚富嘗分類應用事注釋于下如六帖之狀蹄崑山編今其書尚傳

皋橋詩

皋橋者漢皋伯通所居之地梁鴻娶孟光同至吳居伯

通廡下為人春後後伯通察而異之乃舍之於家皮日  
休嘗賦詩云皋橋依舊綠楊中閭里猶生隱士風唯我  
到來居上館不知何道勝梁鴻陸龜蒙詩云橫絕春流  
駕斷虹凭闌猶想五噫風今來未必非梁孟卻是無人  
繼伯通

### 謝賓客

公諱濤字濟之其先三世仕吳越公幼而奇敏嘗講學  
于陽山澄照寺之西廡時王翰林禹偁宰長洲羅拾遺  
處納宰吳縣皆器重之自此名顯於時登淳化三年第  
知益州華陽縣通判壽州知興國軍真宗即位銳意任  
人一日中出朝士姓名有治狀者凡二十四人付中書

門下令驛召至關公在選中命知曹州有兗人趙諫者  
交權勢結豪傑務乘人之弊以告訐公奏之朝廷斬于  
都市乃下詔凡民非干已事無得告言遂著于令為兩  
川安撫還除三司度支判官出守海陵新安二郡俄召  
試直史館出為兩浙轉運使還判司農寺兼侍御史知  
雜事知越州任滿拜太常少卿判登聞檢院又得請權  
西京留司御史臺就拜秘書監遂分司洛下朝廷嘉其  
恬退遷太子賓客其子既入臺閣迎侍于京師景祐元  
年卒年七十五贈禮部尚書子絳女適梅堯臣聖俞孫  
景初景溫公始以文學中進士上第而子孫世踐其科  
又父子更直館殿出處僅二十餘年皆衣冠之盛事公

分務浴下悉屏去外累於筆硯歌詩素所耽嗜亦不復  
為日佚我以老也數年間惟日看舊史一篇以代賓話  
一日因假寐夢中作讀史一絕云百年奇特幾張紙千  
古英雄一窖塵惟有炳然周孔教至今仁義浴生民越  
一夕捐館范文正公為紀其事

張子野吳江詩

張子野宰吳江日嘗賦詩云春後銀魚霜下鱸遠人曾  
到合思吳欲圖江色不上筆靜覓鳥聲深在蘆落日未  
昏聞市散青天都淨見山孤橋南水漲虹垂影清夜澄  
光合太湖為當時之絕唱

春申君

姑蘇城隍廟神乃春申君也按史記春申君初相楚後  
請封於江東考烈王許之因城故吳墟以為都邑吳地  
志亦云春申君嘗造蛇門以禦越軍其廟食於此也固

宜

越絕書云吳伐楚封春申君於吳其  
說又似不同要當以史記之言為證

蔣密學

蔣堂字希魯兩嘗守此郡後既謝事因家焉自號曰  
翁所居曰靈芝坊作園曰隱圃隱圃之內如巖扃水月  
菴煙蘿亭風篁亭香巖峰皆極登臨之勝公喜賓客時  
為宴會時以詩篇為樂范貫之龍圖嘗賦詩云勇退人  
難事明公識慮長波濤濟舟楫霜雪見松篁林下開前  
圍花間撤亞捨二疏良宴會老杜好篇章道向清來勝

越絕書家跡  
宜字不極取  
言春申君時  
車不不不不

機於靜處忘當除印如斗試一較閒忙

丁晉公拜老郁先生

祥符中丁晉公自參知政事拜平江軍節度使知吳州  
時建節鉞者出入必陳其儀度既還本鎮鄉人為之改  
觀公在童齒時嘗從老郁先生學先生居光澤縣之  
父子嘗從至是首入陋巷詣先生之居以兩朱掖之拜  
于其下先生惶懼大聲呼之曰拜殺老夫矣既坐語舊  
極款密且云小年俠劣荷先生教誨痛加擯楚使其得  
成益者皆先生之賜也先生愈不自安不數月果卒公  
遣吏為辦棺斂墓埋之物甚厚吳人至今以為美談

李璋

李璋字其石盤門內為人不羈王荆公甚愛其才嘗有  
送行詩云湖海聲名二十年尚隨鄉試已華顛卻歸南  
里無三徑擬傍胥山就一廛朱轂風塵休悵望青鞋雲  
水且留連故人亦見如相問為道方尋木雁篇又有公  
下第詩云浩蕩宮門白日開君王高拱試群才學如吾  
子何憂失命屬天工不可猜意氣未宜輕感槩文章尤  
忌數悲哀男兒獨患無名爾將相誰云有種哉由此聲  
譽益著後以特恩補官孫益字彥中擢高科應監察御  
史居常熟

公素好譏諛有一故相遠派在吳中嘗於游嬉之地  
書其壁曰大丞相再從妣某嘗游公因題其傍曰混



元皇帝三十七代孫李璋繼至嘗赴特奏恩語同試者曰廷唱日必不以名見呼止稱某排第耳衆皆不以為然厚與之約已而進狀云因在京師有遠族相遇譖系亦有以璋名者欲以玖易之它日殿下果唱李玖蓋公排第九也

### 木蘭堂詩

木蘭堂多為太守游燕之地范文正公作守時嘗賦詩云堂上列歌鍾多慙不如古却羨木蘭花曾見霓裳舞白樂天在蘇嘗教倡人為此舞也堂之前後皆植木蘭餘極高大兵火燬不存

### 林大卿買宅

州民有宅一區多出變怪無有售之者林頴大卿獨求買之既徙入中夜據廳事獨坐以示其不恐忽見一白衣婦人繼其所如俄至一處所潛伏不見詰朝使人穿其地得銀百餘錠其上皆鑿一林字此無異尉遲敬德事也

### 富秘監

富秘監嚴丞相忠文公之林父也登大中祥符四年第慶曆中以刑部郎中守鄉郡嘉祐中守秘書監致仕退居于家未嘗一造府治終年無毫髮干請士大夫皆賢之皇朝類苑嘗載其事卒贈司徒莖寶華山有子臨嬰先都官之女秘監與都官尚存飽學能文終池陽守鈞洵及

元衡擢進士第皆秘監公之曾孫也

智積菩薩

靈岩寺乃智積開山之地智積當東晉末自西土來初立伽藍泗州僧伽持鉢江南至常之無錫聞智積在蘇即回曰彼處已有人矣由此名遂顯有一貧嫗慕其行嘗持角黍為獻智積受之嫗曰得度至今上巳日歸智積誕日聚數十百嫗為角黍會

三江口

淞江之側有小聚落名三江口酈善長云淞江自湖東北迤七十里至江水分流謂之三江口吳越春秋云范蠡去越乘舟出三江之口入五湖之中皆謂此也三江

即禹貢所指者

楊惠之塑天王像

慧聚寺有毗沙門天王像形模如生乃唐楊惠之所作惠之初學畫見吳道子藝甚高遂更為塑工亦能名天下徐稚山侍郎以此像得塑中三昧嘗紀其事謂其傍二侍女尤佳且戒後人不可墾加塗飾近為一俗工脩治遂失初意

王贄運使減租

初錢氏國除而田稅尚仍其舊畝稅三斗浙人苦之太宗乃遣王贄為轉運使轉運衙舊在姑蘇州治之西偏均西浙雜稅贄悉令畝稅一斗使還大臣有責其增減賦額者贄謂畝

稚山後有一條作稚山

稅一斗天下之通法兩浙既已為王民豈可復徇偽國之制上從其說浙人至今便之

周文襄之不得為王贄時為之也

聞鳴

陸魯望有聞鳴一欄頗極馴養一旦驛使過焉挾彈斃其尤者魯望曰此鴨善人言見欲附蘇州上進使者柰何斃之使者盡以囊中金以窒其口使徐問其語之狀魯望曰能自呼其名尔使春憤且笑拂袖上馬復召之還其金曰吾戲耳

中吳紀聞卷第一

中吳紀聞卷第二

崑山龔明之

姚氏三瑞堂

閭門之西有姚氏園亭頗足雅致姚名淳家世業儒東坡先生往來必憇焉姚氏素以孝稱所居有三瑞堂東坡嘗為賦詩云君不見董召南隱居行義孝且慈天公亦恐無人知故令鷄狗相哺兒又令韓老為作詩尔來三百年名與淮水東南馳此人世不乏此事亦時有楓橋三瑞皆自見天意宛在虞鰥後惟有此詩非昔人君更往求無價手東坡未作此詩姚以千文遺之東坡答簡云惠及千文荷雅意之厚法書固人所共好而某方

欲省緣除長物舊有者猶欲去之又况復收邪固卻而  
不受此詩既作之後姚復致香為惠東坡於虎丘通老  
簡尾云姚君薦善好事其意極可嘉然不須以物見遺  
惠香八十罐却託還之已領其厚意與收留無異寔為  
它相識所惠皆不留故也切為多致此懇予家藏三瑞  
堂石刻每讀至此則嘆美東坡之清德誠不可及也

丁氏賢惠錄

丁氏賢惠錄安定先生文蘇子美書丁氏乃晉公之女  
弟陳君子之母也封長安縣君賢行甚著晉公鍾愛其  
甥欲官之丁氏固辭俾其以學術進晉公竦然稱嘆已  
而同其第繼登進士科觀此足以知夫人之賢矣

里人張紳世與陳舊其婦晚而沒夫人保其嬰歸付  
乳媪親加撫視能言而還之相兄既南謫家日淪困  
有姝孫女幼孤夫人訓育薦於己生及歸馮氏子婦  
式閑湫甚宜家其時工部黃郎中宗旦守蘇聞而謂  
人曰茲事可書于史

張文定公知崑山

張文定公方平景祐中宰崑山時蔣堂侍郎為郡守得  
公著芻蕘論三十篇上之因舉為賢良公知崑山時吳  
越歸國未甚久郡邑地曠民占田無紀歲遠多侵越訟  
數十年不能決公召問所輸租稅幾何夫約百一二悉  
收其餘以賦貧民自是無訟

傳燈錄

永安禪院僧道元纂佛祖訖近世名僧禪語為傳燈錄三十卷以獻祥符中詔翰林學士楊億知制誥李維太常丞王曙刊定刻板宣布

曾大父

曾大父諱宗元字會之自幼穎悟絕人讀書於虎丘寺晝夜不絕舉進士為鄉里首選繼登天聖五年第主杭州仁和簿時范文正公為帥改容禮之曰公器業清備他日必為令器謹勿因人以進曾大父敬服其訓高祖既抱疾因乞便親移吳縣簿後以居憂服闋調建安尉藹有稱聲保任者二十有二章召見改大理寺丞知尚

容縣發摘奸伏政如神明禁道鄉內翰時開府金陵甚為之前席楊紘持使節行部蹕為深駘吏望風投劾而去紘過境上獨不入縣或問其故紘曰龔君治民所至有聲吾往徒為擾耳其見重如此自登朝未嘗游公卿之門皆文正公之教也士論美之嘗通判衢越二州終都官負外郎葬南峰山有文集十卷蹕武丘居士遺稟子程孫况俱擢第曾大父善作詩嘗有六月吟云曦輪獵野枯杉松火焚秦華雲如峰天地爐中赤煙起江湖魚沫烹魚龍生獐渴獸唇焦斷峻翻無聲落晴漢飢民逃生不逃熱血迸背皮流若汗玉宇清宮徹羅綺渴噉冰壺森貝齒炎風隔斷真珠簾池口金龍吐寒水象床

玲簾凝流波瓊樓待月微酣歌王孫晝夜繼娛樂不知  
苦熱還如何夜宴詩云兔魄侵堦夜三刻蜀錦堆香花  
院窄風動簾旌玳瑁寒露垂虫網珍珠白美人匝席羅  
絃歌綺幄雲屏爐麝煖只恐金壺漏水空不怕鷺鷥疏  
珀滿勸君莫負秉燭游曾見古人傷晝短贈處士林通  
詩云高蹈遺塵蛻含華傲素園璜溪頻下釣蕙帳不驚  
猿養浩時清肅忘機只寓言幾回生蝶翅明月在西軒  
送陳君子之四明詩云短亭祖帳接平川柳拂回波繫  
画船漸向落暉分繡袖忍聽離曲怨鷓絃雲連稽嶺應  
懷古路近花源好訪仙那更憑高望天際江堤烟重草  
綿二摠砧詞云星游耿寒烟浮白龍銜月臨霜樓誰  
家砧弄細腰杵一聲搗破江城秋双桐老翠墮金井高  
低冷逐西風緊靜如秋籟暗穿雲天半驚鴻斷斜影哀  
音散落愁人耳何處離情先喚起長信宮中葉滿堦洞  
庭湖上波平水萬里征衣未成搖風搗月何丁之楚  
關秦嶺有歸客一枕夜長無限情曾大父嘗以所業授  
范文正文正日子之文温厚和平而不乏正氣似其為  
人也世以為確論云

婁侯

崑山乃古之婁縣今縣之東北三里有二聚落尚以婁  
縣為名或云在漢為繆後避錢王諱改今名予攷三國  
志張昭拜輔吳將軍封婁侯則縣之為婁舊矣漢書云

改於王莽時

滕章敏公

滕元發名甫避高魯王諱以字為名更字達道九歲能賦詩敏捷過人范文正之父為諸舅見而竒之教以為文之正為鄉郡而安定胡先生居於郡學公往從之門人以千數第其文常為首舉進士試于廷宗景文公竒其文擢為第三以聲韻不中程黜之其後八年復中第三通判湖州時孫威敏公沔守錢塘一見曰後當為賢將授以治劇守邊之要名試學士院判吏部南曹同簡起居注知制誥知諫院王絢論宰相不押班為跋扈上以問公曰宰相固有罪然以為跋扈則臣以為欺天

陷人矣知開封府遷御史中丞抗論得失為多出知秦州河朔地震壞城池廬舍命公為安撫使還復知開封府除翰林學士出知鄆州移定州入覲力言新法之害至定虜人畏服上喜令再任詔曰窺嚴有體邊人安焉用作堂以安邊名之又上疏論新法徙青州留守南都知蒲鄧二州坐累知安州侍郎韓丕旅殯於安五十年矣學士鄭獬安人也既沒十年貧不克葬公皆葬之以言者復貶筠州已而為湖州哲宗即位徙蘇揚二州除龍圖閣直學士復知鄆州歲方飢乞淮南米二十萬石為備全活五萬人徙真定河東除龍圖閣學士復知揚州未至而卒年七十一贈左銀青光祿大夫謚曰章敏

葬陽山公屢領帥權條畫皆有方議者謂近世名將無及公者朝廷雖知公之深而終不大用每進小人必說之公嘗上章自訟有曰樂羊無辜謗書滿篋即墨何罪毀言日聞天下聞而悲之

### 滄浪亭

滄浪亭在郡學之東中吳軍節度使孫承祐之池館其後蘇子美得之為錢不過四萬歐陽公詩所謂風明月本無價可惜只賣四萬錢是也子家舊與章莊敏俱有其半今盡為韓王所得矣

### 范文正公復姓

范文正公秀孤隨其母適朱氏因從其姓登第時姓名乃朱說也後請于朝始復舊姓表中改用鄭準一聯云志在投秦入境遂稱於張祿名非伯越乘舟偶效於陶朱范蠡范事在文正用之尤為切當今集中不載

### 鄭宣徽

鄭戩字天休居皋橋天聖初登進士第嘗知開封府發謫奸伏都下肅然遷三司使知樞密院俄以資政殿學士知杭州移鎮長安有表曰聽嚴宸之鍾鼓未卜何晨擅動柏於雪霜更觀晚節上稱誦者數四謂左右曰戩氣質英豪朕欲用為宰相故屢試於外也慶曆三年代范文正為四路都招討元昊畏其威再知長安蕃酋部將疲道卧轍不得行六年移并州尋拜宣徽使奉國軍



節度使未幾薨贈太尉謚文肅葬橫山

### 五柳堂

五柳堂者胡公通直所作也其宅乃陸魯望舊址所謂臨頓里者是也公諱稷言字正思兵部侍郎則之甥少學古文於榮景文又嘗獻時議於范文正晚從安定先生之學皆蒙愛獎後以特奏名拜官調晉陵尉歷主郵縣簿山陰丞自度不能究其所施乃乞致仕陞朝之後仍賜緋衣銀魚公既告老即所居蔬圃鑿池種五柳以名其堂慕淵明之為人賦詩者甚衆公自中年清脩寡慾延納後進談論不少休日入後不飲食率以為常或與客夜坐久不過具湯一杯而已年八十餘而終江諫

議公望為志其墓子嚶

### 中隱堂三老

曾大父自都官負外郎分司南京謝事家居所居在取白樂天大隱住朝市小隱入丘樊不如作中隱之在留司之間特建中隱堂與尚書屯田負外郎程適太子中允陳之奇相與後游日為美酒之樂至於窮夜而忘其歸二公皆耆德碩儒致政於家吳人謂之三老

### 林氏儒學之盛

林氏本福清人徙居吳門有諱鑿者嘗為省試第一登載國史儒學傳其子曰希旦邵顏相繼俱登科級希為樞密謚文節且為殿中侍御史邵為顯謨閣直學士謚

正肅顏為光祿卿希之子虞中詞科旦之子處六登第  
邵之子攄賜出身為中書侍郎近世儒門之盛必推林  
氏云

### 國一禪師

國一禪師乃崑山圓明村朱氏子捨俗為僧受業於景  
德寺法名道欽日游歷叢林遇有一道者語之云乘流  
而行遇徑而止既至双涇遂借龍潭築菴其上即開山  
之祖也事載塔銘云今薦巖寺之西有以羅漢名橋者  
蓋指國一云

### 葉少卿

葉叅字少卿嘗守此郡既謝事因居焉其子清臣登禁

從少列猶及見之范文正公嘗贈之詩云退也天之道  
東南事了人風波拋舊路花月伴閑身湖外扁舟遠門  
中駟馬新心從今日泰家以昔時貧見子登西掖攜孫  
過北隣白雲高閣曙綠水後池春尊酒呼前輩爐香叩  
上真只應陰德在八十富精神其居第在天慶之東中  
有七檜堂內翰道卿嘗持本路漕節侍養道卿之子公  
乘又嘗守鄉郡搢紳榮之善卷寺丞乃內翰之孫長於  
詩與祠部外父唱和甚多其

姪主簿公娶封  
祖四朝議之女  
二游詩

吳之士有息王府叅軍徐脩矩者守世書萬卷酣飲於  
其間至日晏忘飲食又有前涇縣尉任晦其居有深林

曲沼危亭幽砌皮日休嘗游二君宅每為浹旬之款篇  
章留贈不一號二游詩

安定先生

胡翼之本海陵人學者尊其道皆稱為安定先生景祐  
中范文正公薦先生白衣對崇政殿贖秘書省校書郎  
文正上疏請建郡學首以先生為吳興學官繼移此邦  
先生居學嚴條約以身先之雖大暑必公裳終日地見  
諸生以嚴師弟之禮解經有至要義愾為諸生論其  
所以治已而治乎人者學徒千數日月刮磨為文章皆  
傳經義必以理勝信其師說崇尚行實自後登科為夫  
儒者累世不絕如滕章敏范忠宣錢內翰淳老皆德先  
生之學者也至今學宮画像而祠之

蘇子美飲酒

子美豪放飲酒無筭在婦翁杜正獻家每夕觀書以一  
斗為率正獻深以為疑使子弟密察之聞讀漢書張子  
房傳至良與客俱擊秦皇帝誤中副車遽撫案曰惜乎  
擊之不中遂滿引一大白又讀至良曰始自起下邳與  
上會於留此天以臣授陛下又撫案曰君臣相遇其難  
如此復舉一大白正獻公知之大笑曰有如此下物一  
斗誠不為多也

張伯玉郎中

張伯玉字公達嘗為郡從事剛介有守文藝甚高范文

正公深愛之嘗舉以應制科舉詞云張某天賦才敏學窮閭奧善言皇王之治博達古今之宜素蘊曁冲清節自處堪充應賢良方正能直言極諫科其應詔也又作上都行送之果中高選伯玉在蘇日述作並見蓬萊集

上方詩

唐孟郊因其父為崑山尉嘗至山中題詩於上方云昨日到上方片霞封石床錫杖莓苔青袈裟松栢無短韻晝燈含永光有時乞鶴歸還放逍遙場其後張祐嘗游亦有詩云寶殿依山險凌虛勢欲吞畫簷齊木末香砌壓雲根遠景窓中岫孤烟竹裏村凭高聊一望歸思隔吳門皇祐中王荆公以舒倅被旨來相水事到

邑已深夜艤舟寺之前秉火炬登山闕寺中之詩一夕和竟五公之詩詰旦即回棹其詩云僧蹊蟠青蒼莓苔上秋林霜翰飢更清風蕩遠亦香掃石出古色洗松納空光久游不忍還迫近冠蓋場峰嶺互出沒江湖相吐吞園林浮海角臺殿擁山根百里見漁艇萬家蔽水村地偏來客少幽興祗桑門此四詩為山中之絕唱

陳龍圖使高麗

陳睦字子雍嘉祐六年登進士科名在第二治平中詔舉館閣才行之士子雍與劉敞李常寧李清臣輩首被選擢熙寧元豐間高麗屢航海脩貢朝廷以為恭選使往諭之初命林希子中力辭更命睦即日就道神宗

大喜語輔臣曰林希無親堅辭不行陳睦親在乃不憚  
於往因出希知池州假睦起居舍人直昭文館特賜黃  
金帶受命七日而行涉海踰月出入驚濤中遂抵其國  
使還乃真拜所假官職且令服所賜金帶又賜金盞於  
令式外以為寵俄直龍圖閣知潭州卒墓在南峰山二  
子彥文經仲嘗躋法從彥武緯并為提舉官墓在南峰山  
初林希樞密買卜於京師孟診為作卦影畫紫袍金  
帶人對大水而哭林以高麗之役涉瀚海故力辭之  
後出知池州繼遭喪禍其驗不在彼而在此始知禍  
福不避也

朱樂園先生

朱長文字伯原未冠擢進士第英聲振于士林元祐初  
充本州教授入朝除秘書省正字樞密院編脩官後以  
疾辭任退居于家所居在雍熙寺之西號樂園坊地有  
高岡清池喬松壽檜先生以志不得達棲隱于中潛心  
古道篤意著述人莫敢稱其姓氏但曰樂園先生樂園  
在錢氏時號金谷方子通嘗有詩云吳門此圃號金谷  
主人瀟灑能文章子通又嘗著樂園十詠一曰樂園二  
曰邃經堂三曰琴臺四曰墨池五曰魚溪六曰詠齋七  
曰灌園亭八曰見山岡九曰峨冠石十曰冽泉井常公  
安民常造先生隱居愛其趣識志尚洒然有異於人而  
惜其遺逸沈晦因觀所著續圖經遂作序以紀之

海湧山

虎丘舊名海湧山。闔閭王既葬之後，金精之氣化為虎，踞其墳，故號虎丘。山樹有二，伽藍列為東西，白樂天有東武丘，西武丘詩。顏魯公亦云：不到東西寺，於今五十年。今之西菴，所謂西武丘也。虎字避唐諱，改曰武。

盧通議

盧革字仲華，本德清人。少竒，穎舉神童，年十六擢進士。乙科，慶曆間知龔州。時蠻人入寇，桂管公經畫軍，類以應辦。聞歷婺、泉二州，除廣南提點刑獄。福建、湖南兩轉運使，力請郡以自効。神宗嘉之，顧執政曰：盧革，恬退如此，可與一佳郡。遂除宣州。未幾告老，遷光祿卿。致仕，以子貴，進秘書監。太子賓客官制行，改太中大夫。哲宗踐阼，遷通議大夫，退居于吳。十五年，八十二卒。子秉，今盧提刑橋，即公所居之地也。先殿院既以散秩養病，日與賓客酌酒賦詩，自娛。公誠慤莊重，有前輩之風。先殿院雅好其為人，朝夕與之議論。公性不甚飲，每勸之酒，至三分則起而拱手曰：已三分矣。至五分則曰：已五分矣。其他率以是應之。既去，先殿院審執事者，皆曰：客之言毫髮不妄，由是益器重之。

閭門樓詩

閭門舊有樓，三閭予猶及。見之陸機吳趨行云：閭門何哉，飛閣跨通波，重欒承游極。回軒啓曲阿。蘇子美詩

云年華冉冉催人老雲物蕭蕭又變秋家在鳳凰城下  
往江山何事苦相留更建炎兵火不復存矣

章守子用皂蓋

元豐中章岷<sup>民</sup>弟朝議為郡守劉介不可屈人目之曰  
章硬頸其子出入用皂絹蓋肩輿不過二人

隨緣居士

黃策字子虛彦之子中進士乙科為雍丘縣主簿元符  
末詔許中外言事時昭慈既復位號典冊有未盡正者  
因上書引古義力爭之崇寧初黨論起名入黨籍羈置  
登州會赦還鄉里遂休官號隨緣居士欽廟嘗書隨緣  
二字賜之藏宸翰於家著隨緣居士記書之於壁建炎

中追錄黨人除直秘閣公無疾端坐而逝葬光福山自題其墓曰隨緣居士之塔云

石點頭

今席丘千人坐旁有石點頭十道四番志云生公異僧  
竺道生也講經於此無信之者乃聚石為徒與譏至理  
石皆為點頭

軌革卦影

韓中孚字應天將游上庠聞市肆有精軌革術者應天  
筮之畫一金章紫綬人有賁色瓶在其旁復有一人處  
圓圈中術士謂之曰君此行未必到關中途必為貴人  
所留應天未之信行次南徐適朱行中龍圖為郡守與  
之厚善聞其來倒屣迎之延於郡圃朱平生愛一賁色

酒壺因宴出示之圃中有草菴其狀甚圓應天寢於其  
間與卦影所画無一不驗以此知不惟飲啄前定雖受  
用之物寢處之地亦非偶然者貴色一作秘色

### 夢石天王像

後唐時慧聚寺有紹明律師僧中傑出者居半山弥勒  
閣一夕夢神人曰簷前古桐下有石天王像與銅鑪師  
宜知之詰旦掘其地果獲此二物今尚龕置壁間形製  
極古故前輩有詩云一旦石像欲發現先垂景夢鳴喜  
岡常熟破山息高僧嘗學于紹明見本朝僧史

### 改正洪範

余燾字元輔方舍法欲行上書引成周事力贊之因命  
以官累遷至正郎後復上書改洪範篇自玉省惟歲月  
之後星則以風雨乃屬之四五紀一曰歲二曰月三曰  
日四曰星辰五曰曆數之下謂之九疇皆有衍文惟四  
五紀無之至於八庶徽之後既言肅時雨若止蒙常風  
若意已斷矣而又加玉省惟歲已下之文則近於贅或  
者是其說然為臺諫所彈不果施行

### 范文正四子

文正四子純佑字天成純仁字堯夫純禮字彞叟純粹  
字德孺長子少有大志惜乎享壽不遐終軍器簿堯夫  
位丞相彞叟為右丞德孺亦躋法從平時文正喜收接  
名士如孫明復胡安定之徒皆出其門朝夕與其子弟



講論道德故賢行成於所習云

林酒仙

國初時長洲縣東禪寺有僧曰遇賢姓林氏以其飲酒無筭且多靈異故鄉人謂之林酒仙口中可容兩拳嘗醉於酒家每出群聚而觀之者不絕能自圖其形無毫釐不相似好賦詩雖多俗語中含理致然亦有清婉者如云楊子江頭浪景深行人到此盡沉吟它時若向無波處還似有波時用心門前綠樹無啼鳥庭下蒼苔有落花聊與東風論箇事十分春色屬誰家心間增道氣忍事敵災屯謹言終少禍節儉勝求人若此之類皆名言也真身塑寺中

章岷

章岷字伯鎮嘗為平江軍推官文聲甚著與曾大父同登天聖五年第情好極密高祖殿院墓銘乃其所作也范文正公有和章岷後事聞茶歌及同登承天寺竹閣詩

鮓魚

鮓廣韻吾灰切魚名似鮓集魚出吳中其狀似鮓隋大業中吳郡嘗獻海鮓魚乾膾四缶遂以分賜達官皮日

休詩云因逢二老如相問正滯江南為鮓魚

徐都官九老會

徐祐字受天擢進士第為吏以清白著聲唐唐中屏居

於吳日涉園廬以自適時葉公參亦退老于家同為九  
老會晏元獻杜正獻皆寓詩以高其趣晏之首題云買  
得梧宮數畝秋便追黃綺作朋儔杜之卒章云如何九  
老人猶少應許東歸伴醉吟時與會者統五人故杜詩  
及之享年七十有五終都官員外郎子仲謀屢把麈尾  
節女適樞密

士詒

中吳紀聞卷之二

中吳紀聞卷之三

崑山龔明之

葉道卿

葉清臣字道卿少矧之子天聖二年劉筠知貢舉得公  
所對策竒之擢為第二國朝以來以策擢高第自清臣  
始寶元中為兩浙轉運使康定初知制誥慶曆初出知  
江寧府召入為翰林學士俄丁父憂有詔起復為邊帥  
力辭不行免喪知邠州改知澶州又改青州永興軍皇  
祐初復召入為三司使帝嘗訪以禦邊之策公對曰陛  
下御天下二十八年未嘗一日自暇逸而叛羗黠虜頻  
年為患詔問輔翼之能方面之才與夫帥領偏裨當今

孰可以任此者臣以為不患無人患有人而不能用尔  
今輔翊之臣抱忠義之深者莫如富弼為社稷之固者  
莫如范仲淹諳古今政事者莫如夏竦議論之敏莫如  
鄭戩方面人才嚴重有紀律者莫如韓琦臨大事能斷  
者莫如田况剛果無顧避者莫如劉渙宏遠有方略者  
莫如孫沔至於率領偏裨貴能坐運籌策不必親當矢  
石王德用素有威名范仲淹深練軍政龐籍久經邊任  
皆其選也狄青范全頗能馭衆蔣偕沈毅有術畧張亢  
侗儻有膽勇劉貽孫材武剛斷王德基純慤勁勇此可  
補偏裨者也上用其言皆見信任未幾出守河陽卒公  
識度竒拔議論出人意表其立朝也數以忠言鯁論啓

沃上心而媚忌者衆竟不果大用范文正公嘗為文祭  
之云濬學偉文發於妙齡天然清流不雜渭涇又云高  
節莫屈直言屢諍朝廷風采播紳輝映天子知人期以  
輔政弗諧而夫能不曰命數語盡之矣

### 觀風樓

子城之西舊建樓其上名觀風范文正公作守時嘗賦  
詩云高壓郡西城觀風不浪名山川千里色語笑萬家  
聲碧寺烟中靜紅橋柳際明登臨豈劉白滿目是詩情  
在唐但謂之西樓白樂天有西樓命宴詩後改為觀風  
今復名西樓矣

### 三高亭

越上將軍范蠡江東步兵張翰贈右補闕陸龜蒙各有  
畫像在吳江鱸鄉亭旁東坡先生嘗有吳江三賢画像  
詩後易其名曰三高且更為塑像耀菴主人王文孺獻  
其地雪灘因遷之今在長橋之北與垂虹亭相望石湖  
居士為之記

程光祿

程師孟字公闢所居在南園之側號畫錦坊自高祖思  
為錢氏營田使因徙姑蘇擢景祐元年進士第知吉水  
錢塘二縣皆有政聲後通判桂州慶曆中詔近侍二十  
人各舉所知於是柳植施昌言薦公可任除知南康軍  
又知楚遂二州提點夔路刑獄屬歲大飢公行部以常

平粟賑民猶不足即奏發倉以濟之吏勸須報公曰本  
道至都五千里報至則民殍矣遂活飢民四十餘萬擢  
提點河東路刑獄岢嵐等郡無常平粟邊民飢或竄蕃  
境公得請出祠部牒募民納粟置廩以備荒歲汾晉之  
旁山谷之水可以灌田公為驪渠續通泉源所溉者無  
慮萬頃名拜三司度支判官居一歲知洪州興利除言  
一方甚賴之英宗即位召判三司都磨勘司委公商度  
河北四榷場利害公請減物直償閣欠以來北賈使還  
除利州路轉運使江南西路轉運使始江西茶禁既通  
賦民納茶租謂之白細錢民甚患之公奏令鬻茶者計  
斤輸秤頭錢代其數以寬民力至熙寧中以公之請頒

下諸路俄傳交趾為寇遂以公直昭文館知福州一新  
學宮禮先生賢士以厚教育之意鐵錢亂幣公為罷之  
餼疾救荒蘇息以萬計閩中父老有云自國朝守吾郡  
者謝諫議泌以惠愛著蔡端明襄以威名顯兼之者惟  
公而已移知廣州廣控蠻粵而無蕃垣扞禦之備公至  
精作西城廣踰十二里由是廣人有自安之計大脩學  
校日引諸生講解負笈而來者相踵諸蕃子弟皆願入  
學秩滿除右諫議大夫再任公治廣六年威愛並行上  
遣中使撫問召判三班院遷給事中充集賢殿脩撰判  
都水監改判將作監出知越州公至越寬猛適中而事  
自治民皆愛之又逾於洪福廣也官制行換太中大夫  
青社關帥以通議大夫充京東安撫使暮年政成上疏  
告老遷正議大夫致仕祐宗即位授光祿大夫卒年七  
十八葬橫山公強敏精察出於天性凡臨治五大鎮斷  
正滯訟辨活疑罪蓋不可勝計所至之地囹圄空虛道  
不拾遺既去民為立祠刊石頌德樂園先生少許可至  
言公政事則曰雖常丹治豫章孔戣帥嶺南常案化石  
閩無以加也故天下以為才臣吏師有詩集二十卷奏  
議十五卷

丁晉公飯僧疏

丁晉公南遷日夢南嶽懶瓚禪師遂捨白金一笏飯僧  
于潭州自製齋疏云右伏以佛垂偏智道育群情凡欲

拯於傾危必豫形於景貺某白衣干祿叨冢宰之重權  
丹陛宣恩忝先皇之優渥補仲山之素雖曲盡於寸心  
和傳說之羹實難調於衆口嘗於安寢忽夢清容妙訊  
洽之俾塵心而早悟真儀隱之恨九日以何知蓋以智  
未周身事乖遠慮既禍臨而不測誠災及以非常出向  
西京感聖恩而寬宥竄於南裔當國憲以甘心咎實自  
貽孽非他作念一家而散地思萬里以何歸既為負國  
之臣永廢經邦之術程游湘土道假聖山正當煩惱之  
身忽接清閑之衆方知富貴難保始終真饒鼎食之榮  
豈若孟羹之美持形歸命恭發精誠捐施白金充羞淨  
供仰苾藟之高德報懶瓚之深慈冀保此行乞無他患

惟願天回南暎澤賜下臨免致邊夷白日便同於鬼趣  
賜歸中夏黃泉亦感於君恩虔罄丹誠永繫法力卑情  
不任激切之至補仲山之素雖曲盡於寸心今多作巧  
曲盡於巧對衆未如難調於衆口

蔡君謨題壁

張子野宰吳江因如歸舊亭撤而新之蔡君謨題壁間  
云蘇州吳江之瀕有亭曰如歸者隘壞不可居康定九  
年冬十月知縣事祕書丞張先治而大之以稱其名之  
謂既成記工作之始以示于後

邦正夫

邦正夫字正夫太倉人起於農家自幼知讀書識度不類

凡子年甫冠登嘉祐二年進士第崑山自國朝以來無  
登第者正夫獨破天荒後往金陵遣其子僑就學於王  
荆公嘗有贊見詩云十里松陰蔣子山暮烟收盡楚會  
寬夜深更向紫微宿坐久始知凡骨寒一派石泉流澗  
濯數庭霜竹顫琅玕大鵬汎有搏風便還許鷓鴣附羽  
翰荆公一見竒之今集中有謝邨直秘校見訪於鐘山  
詩云誤有聲名只自慙煩君跋馬過茅簷已知原憲  
非病更許莊周智養恬世事何時逢坦蕩人情隨分就  
猜嫌誰能胸臆無塵滓使我相從人未厭自此聲價  
重熙寧中為司農寺丞上書言水利朝廷以其功夫後  
重頗難之正夫條水之利害著成一書今刊行於世未

幾復司農寺丞除江東運判元祐初入為太府寺丞出  
知温州以比部郎中召未至而卒年六十有六葬於太  
倉孫升卿登第守徽常二州  
公初授睦州團練推官知杭州於潛縣未赴以水利  
役法益銅鑑五利獻諸朝丞相王文公安石竒之除  
司農寺丞旋出提舉兩浙水利議者以其說非便遂  
罷免已而歸治所居之西積水田曰大泗灑者如所  
獻之說為圩岸溝洫井舍場圃俱用井田之遺制於  
是歲入甚厚即圖其狀以獻且以明前日之法非苟  
然者復召為司農寺主簿稍遷丞預脩司農寺勅式  
頗踴完密除江東路轉運判官

陳君子父殿丞

殿中丞陳質德行著於鄉里其死也范文正公挽之云  
賢者逝如此皇天豈易知衆人皆墮淚君子獨安碑幾  
世傳清白滿鄉稱孝慈賢哉生令嗣遺秀在蘭芝公甫  
二子曰郢曰之奇皆為吳中高士

鬱林石

陸龜蒙居臨頓里其門有巨石遠祖績嘗仕吳為鬱林  
太守罷歸無裝舟輕不可越海取石為重人稱其廉蹄  
鬱林石

謝希深

謝絳字希深太子賓客濤之子大中祥符八年登進士

甲科楊文公薦其才名試館職充秘閣校理景祐元年  
下父憂服除召試知制誥歐陽文忠公嘗云三代以來  
文章盛者稱西漢公於制誥尤得其體常楊元白不足  
多也寶元初知鄧州卒年四十有五公自少而仕凡五  
十年間自守不回而外亦不甚異一時賢士大夫無不  
敬之子景初景温皆為時名儒

范文正公還鄉

文正公自政府出歸鄉焚黃赤至近邑先投遠狀或以  
為太過公曰維桑與梓必恭敬止敢不盡禮乎既至搜  
外庫惟有絹三千匹令掌吏錄親戚及閭里知舊自大  
及小散之皆盡曰宗族鄉黨見我生長幼學仕仕為我



助喜我何以報之又買負郭常稔之田千畝號曰義田以濟養群族擇族之長而賢者一人主之其計日食人米一升歲衣人二緜嫁女者錢五十千娶婦二十千再嫁者三十千再娶者十千葬者如再嫁者之數葬幼者十千族之聚者九十千粳稻八百斛以其所入給其聚仕而家居俟代者預焉仕而之官者罷其給公雖沒後世子孫脩其業承其志如公存也

清遠道士詩

清遠道士與沈恭子游虎丘寺詩云我本長殷周遭罹歷秦漢四瀆與五嶽名山盡幽竄及此寰區中始有近峰翫追峰何鬱鬱平湖渺渺漫吟挽川之陰步上山之

岸山川共澄徹光彩交零亂白雲翳欲歸青松忽消半客去川島靜人來山鳥散谷深中見日崖幽曉非旦聞子盛遊遨風流足詞翰嘉茲好松石一言常累嘆勿謂予鬼神忻君共幽讚清遠道士竟不知其為何人以鬼神自謂亦怪之甚者顏魯公李德裕皮日休陸龜蒙皆有和篇沈恭子亦莫詳其因詩中有風流詞翰之稱必神怪之儔也

幽獨君詩

唐時席丘石壁隱出幽獨君詩二首其一云幽明雖異路平昔忝工文欲知潛寐處山北有孤墳其二云高松多悲風蕭蕭清且哀南山接幽壠幽壠空崔巍白日徒

昭、不照長夜臺雖知生者樂魂魄安能迴况復念所  
親慟哭心肝摧慟哭更何言哀哉復哀哉其辭甚奇愴  
後人又有賦答幽獨君一詩不知誰氏所作

### 本禪師

宗本圓照禪師乃福昌一飯頭福昌寺承天院憫無所知每  
飯熟必禮數十拜然後持以供僧一日忽大悟終口之  
所言皆經中語自此見道甚明後往靈岩近山之人遇  
夜則面其寢室拜之侍僧以告遂置大士像於前人有  
飯僧者必告之曰汝先養父母次辦官租如欲供僧以  
有餘及之徒衆在此豈無望檀那之施須先為其大者  
其它率以是勸人仁宗嘗召至京師賜金襴衣加圓照

師號後復歸本山

舊傳宋本至京師有一貴戚欲試之因以猾倡薦寢  
本登榻鼻息如雷其倡為般若光所燦通夕不寐翌  
旦炷香拜之曰不意今日得見古佛

### 吳王拜郊臺

吳王拜郊臺在橫山之上今遺跡尚存春秋時王政不  
繼以諸侯而為郊天之舉僭禮亦甚矣

### 范貫之

范師道字貫之文正公之姪登天聖八年甲科嘗知廣  
德縣有治狀孫甫之翰薦之通判許州至和元年吳育  
春卿薦公召拜侍御史公之少也有經天下之志其長

也。遇事未嘗屈及為上耳目，晝夜思所以稱職者，始見上願擇賢相，以久其任。既而論奏二府與近侍不法事，上多用其言，俄出知常州。御史府極言其不平，宰相亦以是罷去，而公之名迹愈聞。天下移廣東路轉運使，又移兩浙，未幾拜起居舍人，同知諫院。嘉祐四年，百官上尊號，公獨諫，以謂無益於治體，而有損聖主謙尊之德。至言諸閣女御例遷，因災異，以明天意，上皆深然之。兼遷侍御史，知雜事。會大臣居機宥者無遠謀，繼而進者不復協時論，公論列甚切。上雖納其奏，然用是出知福州，召為三司監鐵副使。嘉祐八年，以疾請郡，除戶部郎中、直龍圖閣。下車未久卒，年五十有九。公出入臺諫，凡

九載，朝廷之事聞無不言。必欲行如擇宗室以備開安之職，請士大夫終葬，始得從。仕限民田，以均民產，抑貪墨，以清守令。止內降，以杜漸。立私廟，以廣孝。擇知典故近臣，以任太常禮樂之官。減色役，以恤民力之困。皆天下之急務，而衆所願行者。有奏議二十卷，文集五十卷。嘗為唐史著君臣治忽之迹，命藏祕閣。有詔褒美，子在京世亮皆舉進士第。所居在承天寺前，號勇冠坊。葬天平山。趙清獻公志其墓。

### 南翔寺

崑山縣臨江鄉有南翔寺，初寺基出片石，方徑丈餘，常有二白鶴飛集其上，人皆以為異。有僧號齊法師者，謂

此地可立伽藍即鳩財募衆不日而成因聚其徒居焉  
二鶴之飛或自東來必有東人施其財自西來則施者  
亦自西至其它皆隨方而應無一不驗久之鶴去不返  
僧號泣甚切忽於石上得一詩曰白鶴南翔去不歸惟  
留真跡在名基可恨後代空王子不絕薰脩享二時因  
名其寺爲南翔寺之西又有村名白鶴

張敏叔

張景脩字敏叔人物瀟灑文章雅純登治平四年進士  
第雖兩爲憲漕五領郡符其家極貧實就市屋以居嘗  
有絕句云茅簷月有千金稅稻飯年無一粒租生事蕭  
條人問我水芭蕉與石菖蒲觀其詩大抵多清淡嘗題

集清軒詩云洗竹放教風自在傍溪看得月分明又多  
好用俗語如得五品服詩云白快近來逢素髮赤窮今  
日得朱袍又謝人惠油衣云何妨包裹如風藥且免淋  
漓似水雞蓋以文滑稽也舊嘗作古風送朱天錫童子  
云黃金滿籬富有餘一經教子金不如君家有兒不肯  
娛口誦七經隨卷舒渥洼從來產龍駒鸞鷲乃是真鳳  
鷁一朝過我父子俱自稱窮苦世爲儒雪窓夜映孫康  
書春隴晝荷兒寬鋤翻然西入天子都出門慷慨曳長  
裾神童之科今有無談經射策皆壯夫古來取士凡數  
塗但願一令吹竽甘羅相秦理不誣世人看取掌中  
珠折腰未便賦歸歟待君釋褐還鄉問初景脩爲汝州

梁令作此詩天錫既到關忌取本州公據為禮部所却  
因擊登聞鼓繳景脩詩為証神宗一見大稱賞之翌日  
以語宰相王珪而恨四方有遺材即令召對珪言不欲  
以一詩召人恐長浮競不若俟其秩滿然後擢用之遂  
止令中書籍記姓名比罷官而神宗已升遐矣景脩應  
筆三朝每登對上必問聞卿作朱童子詩誠為舉似由  
此詩名益著終祠部郎中年七十餘卒平生所作詩幾  
千篇號張祠部集子漢之漢之嘗宰崑山頗緩於索相  
不與人索也敏於有花客  
詩十與二章  
梁縣屬汝州

崑山夫子廟

唐制郡邑皆得置夫子廟自黃巢之亂存者無幾崑山  
之廟更五代五六十年不建自本朝太平興國三年錢  
氏納土請吏朝廷始除守以治之至雍熙初徵事郎邊  
俊首為崑山宰因其遺址重立夫子廟門闕甚麗狀十哲  
像於其旁王元之為作記景祐初范文正請立郡庠於  
是縣亦有學矣

孫子和

孫冲字子和登熙寧六年進士第少負才名為荆公之  
客嘗著鄉黨傳說二論荆公甚奇之後宰和之含山號  
為循吏律已甚正一毫無妄取秩滿率家人解其歸裝  
老獲有蓄一砧者子和視之曰非吾來時物也命還之  
其它大率類此鶚章交上改宣德郎未幾卒于京師年

三十有五無子以族姪岐為嗣岐嘗倅江州終朝請大  
夫

子和妻子之姑氏又與林祖朝議為同年林祖嘗以  
詩挽之云結髮欣同籍聯姻喜素風期君千里逸耀  
我一枝窮新命拖紳後殘編旅笥中空餘循吏傳紀  
次在元豐

張翰

東晉張翰吳人仕齊王固不樂居其官一日在京師見  
秋風忽起因作歌曰秋風起于佳景時吳江水兮鱸正  
肥三千里子家未歸恨難得兮仰天悲遂棄官而還國  
初王贊運使過吳江有詩云吳江秋水灌平湖水闊烟

深恨有餘因想李鷹當日事歸來未必為尊鱸贊之意  
謂翰度時不可有為故飄然遽去實非鱸也至東坡三  
賢則曰浮世功名食與眠李鷹真得水中仙不須更說  
知幾早只為鱸魚也自賢其說又高一著矣

皮日休

皮日休字襲美唐咸通十年為郡從事居官纔一月陸  
魯望以所業見之自此交從甚密更迭唱和無慮數百  
篇總目之曰松陵集松陵吳江別名也日休自有著述  
辨鹿門子書

橋名

城中有橋梁三百六十所每橋刻名於旁者始於郡守

韓子文度支兵火後間有缺者

福昌長老正橋頗具眼禪林多宗之一日升座有問  
話者云蘇州三百六十座橋那座是正橋答云度  
馬

賀方回

賀鑄字方回本山陰人徙姑蘇之醋坊橋方回嘗游定  
力寺訪僧不遇因題一絕云破冰泉脉漱籬根壞柳猶  
疑掛樹猿螭屐舊痕渾不見東風先為我開門王荆公  
極愛之自此聲價愈重有小築在盤門之南十餘里地  
名橫塘方回往來其間嘗作青玉案詞云凌波不過橫  
塘路但目送芳塵去錦瑟華筵誰與坐月橋仙館綺

朱戶唯有春知處碧雲冉冉衡皋暮綠筆新題斷腸句  
試問閑愁知幾許一川烟草滿城風絮梅子黃時雨後  
山谷有詩云解道江南腸斷句只今唯有賀方回其為  
前輩推重如此初方回為武弁李邦為執政時力薦之  
其畧謂切見西頭供奉官賀某老於為學泛觀古今詞  
章辯道議論迥出流輩欲望改換合入文資以示聖時  
育材進善之意上可其奏因易文階積官至正郎終於  
常侍

白公檜

白樂天為守時口必信及民皆敬而愛之嘗植檜數本於  
郡圃後人目之為白公檜以况甘棠焉

癸甲先生

潘勺字炳治登進士第為吳興郡都掾後絕意祿仕編遊天下佳山水嘗為雁蕩百詠其末云都為画玉圖不得一時收拾作詩歸自號癸甲先生或問其故曰始終之義也後果以癸日亡甲日殮

方子通

方惟深字子通本莆田人其父屯田公葬長洲縣因家焉最長於詩嘗過黯淡灘題一絕云溪流怪石礙通津一一操舟若有神自是世間無妙手古來何事不由人王荆公見之大喜欲收致門下蓋荆公欲行新法沮之者多子通之詩適有契於心故為其所喜也後子通以

詩集呈荆公侑以詩云年來身計欲何為跌宕無成一軸詩懶把行藏問詹尹願將生死遇秦醫丹青效虎貓心拙斤匠良工入手遲此日知音堪屬意枯桐正在半焦時凡有所作荆公讀之必稱善謂深得唐人句法嘗遺以書曰君詩精練警絕雖元白皮陸有不可及子通游王氏之門極蒙愛重初無一毫迎合意後以特奏名授興化軍助教隱城東故廬與樂園先生皆為一時所高每部使者及守帥下車必即其廬而見之前後上章論薦者甚衆子通竟無祿仕意其於生死禍福之理莫不超達嘗造一園亭不遇主人自盤礴終日因題於壁間云何年突兀庭前石昔日何人種松柏乘興閒來就



榻眠一枕春風君莫惜城西今古陽山色城中誰有子  
年宅來往何必見主人自是亭中客其灑落類如  
此仲殊一日訪子通有絕句云多年不見玉川翁今日  
相逢小榭東依舊清涼無長物只餘松檜養秋風可見  
其清高矣年八十三而卒有詩集行於世無子一女適  
樂圃先生之子發

### 破山詩

常建詩云竹迳通幽處禪房花木深山光悅鳥性潭影  
空人心題常熟破山也舊傳有四高僧講經山中一老  
翁日來聽法久之問翁所從來答曰吾非人也龍也因  
問本相可得見乎曰可已而果以全體見僧恐甚亟請  
揭諦呪語揭諦神與龍角力龍不能勝破其山而去續  
圖經所載不同謂白龍與一龍鬪未知孰是

### 甫里詩

甫里在長洲縣東南五十里乃江湖散人陸龜蒙字魯  
望躬耕之地散人廟食於此一方之人至今想其高風  
常誇示於四方以為榮焉唐書云散人乃唐相陸元方  
七世孫又自號天隨子著笠澤叢書若干卷

### 有脚書厨

叔祖諱程字信民剛正自守不惑於禍福嘗憤聖道不  
明欲排異端之學家不置釋老像祭祀未嘗焚紙錢儒  
家甚宗之自幼讀書于南峰山先都官墓廬攻苦食淡

手未嘗釋卷記問精確經傳子史無不通貫鄉人號為  
有脚書厨嘗題一絕於壁間云月度踈櫺起更慵坐聽  
澄照五更鍾却思潮上西興急風送山前萬箇松登熙  
寧六年進士第歷西安丞桐廬令子況既登郎省贈左  
朝議大夫

秦娘

秦娘吳之羨婦人也劉禹錫詩云有時粧成好天氣走  
上臯橋折花戲風流太守常尚書路傍忽見停車旗

南園詩

南園乃廣陵王舊圃中有流盃旋螺亭亞於滄浪之景  
王黃州為長洲時無日不攜客醉飲嘗賦詩云他年我  
若功成後乞取南園作醉鄉今園中大堂遂以醉鄉名  
之大觀末蔡京罷相欲東還詔以其園賜之京即以詩  
贈親黨云八年帷幄竟何為更賜南園寵太師堪笑當  
時王學士功名未有便吟詩黃州之詩不過寓意耳京  
遽以無功名謂之黃州雖終為黜臣其名與天地同不  
朽京居相位二十年又處師垣之尊至今雖三尺之童  
唾罵不已其賢不肖何如也

朱子奢

朱子奢蘇州人太宗時為弘文館學士帝嘗詔起居記  
錄臧否朕欲見之子奢曰陛下舉無過事雖見無嫌然  
以此開後世史官之禍可懼也帝深納之見唐書儒學

傳

錢氏納土

太平興國三年陳洪進奉表獻漳泉兩郡詔授洪進武  
寧軍節度使留京師奉朝請是歲錢忠懿王俯上表獻  
十三州之地錢氏納土蓋在陳氏之後或說以為興國  
二年非也

白馬澗

南峰山北有聚落號白馬澗昔支遁騎白馬而來飲於  
澗中因以名焉山之巔有石埗然號馬跡石又有一石  
室號支遁菴乃其脩習之地也

禪月大師

萬壽寺有禪月閣禪月者唐僧貫休也生於婺之蘭溪  
自祝髮為僧徧參名德又善作詩文有西嶽集行於世  
性好圖畫古佛嘗自夢得十五羅漢梵相既而尚缺其  
一未能就夢中復有告之曰師之相乃是遂如所告因  
照水以足之令其畫尚傳既至吳寓跡萬壽甚久後入  
蜀死葬于成都平生行業具載白蓮塔銘

中吳紀聞卷之三

